



ს ა ქ ა რ თ ვ ე ლ ო  
სამტრედიის მუნიციპალიტეტის საკრებულო



ოქმი: ო63. 6325220001

თარიღი: 08/08/2025

**სამტრედიის მუნიციპალიტეტის საკრებულოს  
ბიუროს რიგგარეშე სხდომის  
ო ქ მ ი N 20**

ქ. სამტრედია. 6 აგვისტო, 2025 წელი.

2025 წლის 6 აგვისტოს, სამტრედიის მუნიციპალიტეტის საკრებულოს თავმჯდომარის მოვალეობის შემსრულებლის, ვაჟა სტურუას, თავმჯდომარეობით ჩატარდა, სამტრედიის მუნიციპალიტეტის საკრებულოს ბიუროს რიგგარეშე სხდომა.

**სხდომას ესწრებოდნენ:** ვაჟა სტურუა, ნათია პაპავა, მანანა სირბილაძე, გოჩა არველაძე მ/შ. ირაკლი ძელაშვილი, გიორგი ლეჟავა, ტარიელ დვალიშვილი.

**ასევე სხდომა ესწრებოდნენ:**

1. საკრებულოს პირველადი სტრუქტურული ერთეულის ხელმძღვანელი, აპარატის უფროსი, ნორა იანიკოვი.
2. საკრებულოს აპარატის მეორე კატეგორიის უფროსი სპეციალისტი, ქალისა და მამაკაცის თანასწორობის საკითხებში, თამილა კეკელიძე.

**დღის წესრიგი**

1. სამტრედიის მუნიციპალიტეტის საკრებულოში, მერიიდან შემოსული წერილობითი მომართვების განხილვის შესახებ.

**/მომხსენებელი: ვაჟა სტურუა/**

2. სხვადასხვა.

კენჭისყრის შედეგად **(7 ხმით)**, მიღებულია დღის წესრიგი წარმოდგენილი სახით.

სხდომის თავმჯდომარემ ბიუროს წევრებს გააცნო:

1. **სამტრედიის მუნიციპალიტეტის მერის 2025 წლის 5 აგვისტოს** N62-622521781 წერილობითი მომართვა, რომელიც ეხება, სამტრედიის მუნიციპალიტეტის მერის მოთხოვნას, საკრებულოს რიგგარეშე სხდომის მოწვევასთან დაკავშირებით,

რათა სამტრედიის მუნიციპალიტეტის საკრებულომ განიხილოს და მიიღოს განკარგულების პროექტები:

1. „სამტრედიის მუნიციპალიტეტის საკრებულოს და სამტრედიის მუნიციპალიტეტის მერის 2025 წლის არჩევნებისთვის სამტრედიის მუნიციპალიტეტის ტერიტორიაზე **სააგიტაციო მასალის გასაკრავი/გამოსაფენი** ადგილების სამტრედიის მუნიციპალიტეტის მიერ გამოყოფის შესახებ“ განკარგულება.

2. „სამტრედიის მუნიციპალიტეტის საკრებულოს და სამტრედიის მუნიციპალიტეტის მერის 2025 წლის არჩევნებისთვის სამტრედიის მუნიციპალიტეტის ტერიტორიაზე საარჩევნო სუბიექტების **წინასაარჩევნო კამპანიისათვის** (აგიტაციისათვის) სამტრედიის მუნიციპალიტეტის მიერ შენობა-ნაგებობის გამოყოფის შესახებ“ განკარგულება.

(მომართვის N 62-622521781, 5/08/2025 წ. საკრებულოს რეგისტრაციის N:12-63252173-63 5/08/2025 წ.)

**კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა იურიდიულ, ადამიანის უფლებათა დაცვის, საპროცედურო და სამანდატო საკითხთა კომისია.**

2. **სამტრედიის მუნიციპალიტეტის მერის 2025 წლის 1 აგვისტოს** N62-622521334 წერილობითი მომართვა, რომელიც ეხება, „სამტრედიის მუნიციპალიტეტის **მერიის საშტატო ნუსხის** დამტკიცებისა და პოლიტიკური თანამდებობის პირთა და საჯარო მოსამსახურეთა თანამდებობრივი სარგოების განაკვეთების განსაზღვრის შესახებ“, სამტრედიის მუნიციპალიტეტის საკრებულოს 2018 წლის 26 იანვრის №4 დადგენილებაში ცვლილების შეტანის საკითხს. „გენდერული თანასწორობის შესახებ“, საქართველოს კანონის მე-13 მუხლის 1<sup>2</sup> -ე პუნქტით განსაზღვრული იყო, რომ მუნიციპალიტეტში გენდერული თანასწორობის საკითხების შესწავლის, განსახორციელებელი საქმიანობის დაგეგმვის და ღონისძიებების კოორდინაციის მიზნით, მუნიციპალიტეტის მერი განსაზღვრავდა შესაბამის მერიაში გენდერული თანასწორობის საკითხებზე პასუხისმგებელ საჯარო მოსამსახურეს. კანონმდებლობაში განხორციელებული ცვლილების შედეგად, „ქალისა და მამაკაცის თანასწორობის შესახებ“, საქართველოს კანონის მე-13 მუხლის 1<sup>2</sup> -ე პუნქტის მიხედვით, მუნიციპალიტეტში ქალთა უფლებების დაცვის საკითხების შესწავლის, განსახორციელებელი საქმიანობის დაგეგმვისა და ღონისძიებების კოორდინაციის მიზნით მუნიციპალიტეტის მერი განსაზღვრავს შესაბამის მერიაში ქალთა უფლებების დაცვის საკითხებზე პასუხისმგებელ საჯარო მოსამსახურეს.

(მომართვის N62-622521334, 1/08/2025 წ. საკრებულოს რეგისტრაციის N:12-63252134-63 1/08/2025 წ.)

**კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა იურიდიულ, ადამიანის უფლებათა დაცვის, საპროცედურო და სამანდატო საკითხთა კომისია.**

3. **სამტრედიის მუნიციპალიტეტის მერის 2025 წლის 5 აგვისტოს** N62-622521756 წერილობითი მომართვა, რომელიც ეხება, სამტრედიის მუნიციპალიტეტის 2025 წლის **ბიუჯეტის დაზუსტების** საკითხს.

„საქართველოს რეგიონებში განსახორციელებელი პროექტების ფონდებიდან მუნიციპალიტეტების თანხის გამოყოფის შესახებ“, საქართველოს მთავრობა 2024 წლის 31 დეკემბრის N1955 განკარგულებაში შეტანილი 2025 წ. წლის 30 ივლისის N1212 განკარგულების სამტრედიის მუნიციპალიტეტის მთლიანი პროექტის ღირებულება, მათ შორის გაიზარდა 590 432 ლარით და 7 932 876 ლარით განესაზღვრა. პროექტის განხორციელებისთვის ყოფილი ფინანსური მთავრობით გაიზარდა 567 801 ლარით და შეადგენს - 7 537 425 ლარს, ხოლო ადგილობრივი ბიუჯეტით თანადაფინანსება გაიზარდა 22 631 ლარით და შეადგენს - 395 451 ლარს. აქედან გამომდინარე გაიზარდოს (კოდი 05 01 01) სპორტული თამაშების

დაფინანსება და სპორტული მოედნების მშენებლობა და რეკონსტრუქციის არაფინანსური აქტივობების გეგმა საქართველოს მთავრობის განკარგულებით გამოყოფილი ხიდან - 147 044 ლარით, ხოლო თანადაფინანსება - 7 740 ლარით და გაიზარდოს (კოდი 02 01) გზების, ხიდების, ბოგირებისა და ინფრასტრუქტურის სხვა ფინანსების არაფინანსური აქტივების გეგმა საქართველოს მთავრობის გეგმა. განკარგულებით გამოყოფილი თანხიდან - 420 757 ლარით, ხოლო თანადაფინანსება - 14 891 ლარით.

აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 54-ე“-ს პირველი ნაწილის „ე“- პუნქტის „ე.ე“- ქვეპუნქტის, საქართველოს საბიუჯეტო კოდექსის 69-ე მუხლის პირველი ნაწილის, მე-2. და მე-5 ნაწილების ,, მუნიციპალიტეტის ბიუჯეტის განსაზღვრა მუნიციპალიტეტის საკრებულოს 2017 წლის 14 დეკემბრის №43 დადგენილების შესაბამისად სამტრედიის მუნიციპალიტეტის მერის NB62. 62252136 01/08/2025 შეკვეთით დაზუსტდა „სამტრედიის მუნიციპალიტეტის 2025 წლის ბიუჯეტის“ დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილება, კერძოდ: გაიზარდა (კოდი 05 01 01) სპორტული ღონისძიებების ფინანსური და სპორტული მოედნების მშენებლობა და რეკონსტრუქციის არაფინანსური აქტივობების გეგმა საქართველოს მთავრობის განკარგულებით გამოყოფილი თანხიდან - 147 044 ლარით, ხოლო თანადაფინანსებით - 7 740 ლარით მოწესრიგდა გარკვეული გეგმის ფარგლებში და გაიზარდა (კოდი 02 01) გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური აქტივობების გეგმა საქართველოს მთავრობის განკარგულებით გამოყოფილი თანხიდან - 420 757 ლარით, თანადაფინანსებით - 14 891 ლარით მოწესრიგდა განსაზღვრული გეგმის ფარგლებში. ასევე, „მოქალაქეთა ჩართულობის განვითარების ხელშეწყობის“ განხორციელების განხორციელების განხორციელების ღონისძიებების შესახებ საქართველოს მთავრობა 2025 წლის 30 ივლისის N1207 განკარგულებით სამტრედიის მუნიციპალიტეტის მოქალაქეთა მონაწილეობისა და ჩართულობის ხელშეწყობად საქართველოს რეგიონებში განსახორციელებელი პროექტების ფონდიდან გამოეყო 405 766 ლარი; და ამ განკარგულების „ი“ და „კ“- ქვეპუნქტების მიხედვით საქართველოს მთავრობის განკარგულებით გამოცხადებული თანადაფინანსების სახით დაეხმარა 149 200 ლარი. აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 54-ე“-ს პირველი ნაწილის „ე“- პუნქტის „ე.ე“- ქვეპუნქტის, საქართველოს საბიუჯეტო კოდექსის 69-ე მუხლის პირველი ნაწილის, მე-2. და მე-5 ნაწილების ,, მუნიციპალიტეტის ბიუჯეტის განსაზღვრა მუნიციპალიტეტის საკრებულოს 2017 წლის 14 დეკემბრის №43 დადგენილების შესაბამისად სამტრედიის მუნიციპალიტეტის მერის NB62. 6225 2161 04 /08/2025 ბრძანებით დაზუსტდა „სამტრედიის მუნიციპალიტეტის 2025 წლის ბიუჯეტის“ დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილება. კერძოდ გაიზარდა:

- (კოდი 02 01) გზების, ხიდების, ბოგირების და ინფრასტრუქტურის სხვა მიზნების დაფინანსების არაფინანსური აქტივობების გეგმა მთავრობის განკარგულებით -57 000 ლარით; ხოლო ადგილობრივი ბიუჯეტით -110 000 ლარი; სულ 167 000 ლარით.

- (02 02 01 კოდი) ბინათმშენებლობის სხვა ხარჯების გეგმა მთავრობის განკარგულებით - 90 000 ლარით; ხოლო ადგილობრივი ბიუჯეტით -9 200 ლარი; სულ 99 200 ლარით.

- (კოდი 02 03 03) სკვერების მოწყობა და კეთილმოწყობის სხვა ღონისძიებების არაფინანსური აქტივობების გეგმა მთავრობის განკარგულებით - 90 000 ლარით; ხოლო ადგილობრივი ბიუჯეტით -10 00 ლარი.

სულ 100 000 ლარით.

- (კოდი 05 01 01) სპორტული ღონისძიებების დაფინანსება და სპორტული მოედნების მშენებლობა და რეკონსტრუქცია არაფინანსური აქტივების გეგმა მთავრობის განკარგულებით 165 750 ლარი; ხოლო ადგილობრივი ბიუჯეტით -10 00 ლარი; სულ 175 750 ლარით.

- (02 02 02 კოდი) წყლის სისტემის რეაბილიტაცია და ექსპლოატაციის საქონელი და გეგმა მთავრობის განკარგულებით 3 016 ლარით; ხოლო ადგილობრივი ბიუჯეტით -10 000 ლარი; სულ **13 016 ლარით.**

გზოვთ ყოველივე ზემოთ აღნიშნული მიიღოთ ცნობად.

(მომართვის N62-622521756, 5/08/2025 წ. საკრებულოს რეგისტრაციის N:12-63252172-63 5/08/2025 წ.)

**კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა საფინანსო-საბიუჯეტო საკითხთა კომისია.**

ამით, დღის წესრიგით გათვალისწინებული საკითხების განხილვა დასრულებულია.

**სხდომის მდივანი: მაია დოდობერიძე**

ვაჟა სტურუა

სამტრედიის მუნიციპალიტეტის საკრებულო-სამტრედიის მუნიციპალიტეტის საკრებულოს თავმჯდომარე (დროებით მოვალეობის შემსრულებელი)

გამოყენებულია კვალიფიციური ელექტრონული ხელმოწერა/ ელექტრონული შტამპი

